



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Sextus. Quod simplex recordatio foueatur appetitu ad primam
veritatem.

urn:nbn:de:hbz:466:1-9766

præsentia amicitijs, vt in umbraculo, à moleto certamine turata.

Et quidem eiusmodi actus fidei, scilicet simplices, & tam intellectum, quam affectum vix afficiens, ac quidquid demum tædij, & ariditatis repetitum fuerit, loco præambuli, & perfectæ dispositionis accipiendum erit; dein pro actus exercitio, admodum subtili, & spirituali cogitatione oculus mentis ad Eum, qui omni pulchro infinitum pulchrior est, dirigendus erit; quo ita spirituunt conditor, spiritualem aliquam sui pulchritudinem inuenire concedat, ex qua illic voluntas benè affecta, dein unitio amori aliquamdiu intendat. & quia spiritualis hæc pulchritudo insigniter Deo coniungit; oportet quoque, vt admodum simplex sit ad Deum cogitatio, & totalis obliuio illius, quod affectuolum amorem sensibiliter afficere posset. & hæc, vt efficaciter fiant, dicendum erit,

Quod simplex recordatio foneatur appetitu ad primam veritatem.

ARTICULUS SEXTVS.

Nox illuminatio a mea in delicijs meis; ac si diceret: ò pia anima, quæ in amore deficiente, ab intellectuali prius habita viuacitate, in tantum digressa es, vt iam proximè tenebræ concubent tè, & ad soleitatem tui ipsius, in qua vix quidquam solita deuotionis habebitur, deducenda sis; vt ibidem ad oculum videoas abominationes cordis tui, ceu inter parietes absconditas, & tanquam ex fonte ebullientes; scias velim, te prius adhuc tanquam in nocte ablatae deuotionis deliciæ illuminari, lactari, & confortari posse reali, & intimo spirituali gustu.

Hoc ipsum autem, vt congruè fiat, oportet loco præambuli, & perfectæ dispositionis, hominem inferiorem solita deuotione destitutum, tenebras, ariditates, & tædia patientem, quodammodo separare; & suis quidem infirmitatibus debilitatum, patientia autem munitum, deserere: dein pro exercitio actus, simplici illi recordationi, Dei memoriā magis sinceram, & maiestatiuam substituere; idque per appetitum, quo spiritus tuus ad primam illam veritatem, quæ Deus est, fertur: ita tamen, vt licet Deus, eiusque veritas inueniatur, attamen effectus, seu actus amoris non fermentur crassi, & sensibiles; sed solummodò humili reuerentia, & submissione diuinum illud, quodque omnibus præstat Bonum, veneratiōne habeatur, eique subtili complacentia animus cohæreat. Et ne aliqua in spiritu de diuino pulchro operatio incaute prætereat, cum primis attendendum erit, ne sepius anima à fundo detrahī sinat, ante tempus; b sed quamdiu fieri poterit, iam dicta praxi præambuli, in actus exercitio se gerat; licet in spiritu ad inferiora descendat ab habita viuacitate contemplationis; & subinde ipsa amoris exercitatio non plus afficiat, quam nuda cogitatio. quæ

S 3

qui-

a sal 138. b ut inf. Paral. 3.

quidem omnia si debitè fiant, posset pia anima, postquam à summo contemplationis descenderit, per annum, & eo amplius, in spiritu satis bene versari, priusquam à fundi miseria ex toto includatur. & ne quis inutiliter contributetur, de quotidiano, ut videtur in spirituali vita retrogressu, consequenter iam dicitur;

Quod licet sit difficile, quod spiritualis Regio, visus, & formationis industria in superficialem vacuitatem abeant, hoc tamen esse necessarium.

ARTICVLVS SEPTIMVS.

Nisi ego aabiero, Paraclytus non veniet ad vos; si autem abiero, mittam eum ad vos. ac si diceret: ô pia anima, quæ non sine amaritudine cordis tui ingemiscis, quod interioritatis tuæ spiritualis illa regio, visus, industria formationis, & quidquid in præcedentibus agendi modis, ad præsentiam diuinam habendam adstabat, de die in diem magis magisq; euanescat, & quidnam modo agendum sit ignores: scias ve- lim, quod nisi Dominus abierit, & præcedentia auxilia, modosq; procedendi abstulerit, Paraclytum Spiritum S. etiam ad te non venturum, nec te ad pueræ spirituales operationes pertingere posse: omnia enim quæ tibi ablata conquereris, sunt sicut accidentia, quæ facile possunt abesse, & adesse, absque subiecti corruptione, & spiritualis progressu lassione. si itaque abierit, mittet

eum ad te, & si ita egeris, ac si nihil omnino usque in hanc horam ad intra occupata fuisses, & libenter obliuiscaris omnium præteriorum, te ipsam quoque vacuam, & nulla fruitione affectam acceperis; (sicut etiam realiter horum nihil amplius habes) tum demum te quasi omnino absolutam repries, & moderatè, silentiosè, ac obliqua, non autem anxia sollicitudine Dei recordationem assumere poteris; ac præterquam quod tempore suo gratia Spiritus sancti dignaberis, etiam modo eius solatium, & quod ad intra agas, inuenies; videlicet, superficialem, & vix leuiter afficieniem Dei præsentiam, quam etiam nullatenus vitaliter afficien tem appetere, multoq; minus proprio conatu formare debes.

Quapropter in quotidiana praxi, ad congruam dispositionem, pacificè tolerandum erit; quod spiritualis regio, visus, industria, & soliti sese adiuuandi modi, in superficialem vacuitatem abeant; dein pro actuali amoris visu contentari oportet, de Deo, eiusq; summo Bono, non plus sensibiliter affici, quam si de ligno, aut pariete cogitaret, & leui solummodo tendentia, & nuda memoria, cum Deo agendum erit: idque tam diu iteratis, & renouatis vicibus præstandum est, quo usq; ad fundum, seu cordis centrum, fortè b attractum sentire cogaris. & licet ex eiusmodi dispositione, & nuda, pacificaq; tolerantia, modicum deuotionis in sensibili affectu percipiatur; hoc tamen parui

a Ioan. 16. b inf. par. 3. art. 2.